



Broj: 11-11-2-864/25

Datum: 11.04.2025. godine

Na osnovu člana 41. stav (1), a u vezi sa članom 45. stav (3) Zakona o unutrašnjim poslovima Federacije Bosne i Hercegovina („Službene novine Federacije BiH“ broj 81/14), člana 70. Zakona o javnim nabavkama („Službeni glasnik BiH“ br. 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki za 2025. godinu, v.d. direktor Federalne uprave policije d o n o s i

O D L U K U

o izboru najpovoljnijeg ponuđača u predmetu javne nabavke „Nabavka usluga čišćenja i održavanja higijene u Terenskom uredu Travnik“

I.

Prihvata se preporuka Komisije za provođenje konkurentskih i pregovaračkih postupaka nabavke, u postupku javne nabavke „Nabavka usluga čišćenja i održavanja higijene u Terenskom uredu Travnik“, te se u skladu sa kriterijem „najniža cijena“ ugovor dodjeljuje ponuđaču „ABV“ Fojnica, čija cijena ponude iznosi 5.440,00 KM bez PDV-a.

II.

Odabrani ponuđač je dužan, u skladu sa tačkom 2. tenderske dokumentacije, dostaviti dokaze koji su traženi tenderskom dokumentacijom (u roku od 5 dana).

III.

Po okončanju roka za žalbu ugovorni organ će pozvati izabranog ponuđača zbog zaključivanja ugovora.

IV.

Za izvršenje Odluke zadužuje se Sektor za finansije i javne nabavke.

V.

Odluka se objavljuje na internet stranici Federalne uprave policije, istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

VI.

Odluka stupa na snagu danom donošenja.

O b r a z l o ž e n j e

Federalna uprava policije je provela konkurentski postupak javne nabavke „Nabavka usluga čišćenja i održavanja higijene u Terenskom uredu Travnik“, broj Obavještenja o javnoj nabavci: 1412-7-2-76-3-62/25. Javna nabavka je provedena putem konkurentskog zahtjeva za dostavljanje ponuda.

Procijenjena ukupna vrijednost ugovora javne nabavke „Nabavka usluga čišćenja i održavanja higijene u Terenskom uredu Travnik“ iznosi 5.440,00 KM bez PDV-a.

Postupak je proveden od strane Komisije za provođenje konkurentskih i pregovaračkih postupaka nabavki za 2025. godinu, imenovane Rješenjem, broj: 11-11/4-30-2-1409 od 31.12.2024. godine.

Uvidom u predmetnu dokumentaciju utvrđeno je da je od strane Komisije pravilno proveden postupak, te da je preporuka o izboru najpovoljnijeg ponuđača data u skladu sa Zakonom o javnim nabavkama i tenderskom dokumentacijom.

Na osnovu Zapisnika o pregledu i ocjeni ponuda utvrđeno je da je Komisija blagovremeno i pravilno izvršila otvaranje ponuda i ocjenu kvalifikovanosti ponuđača, o čemu je sačinila odgovorajuće zapisnike, u kojima je utvrđeno da je u predmetnom postupku zaprimljena jedna (1) ponuda, koja je blagovremena, i to ponuđača: „ABV“ Fojnica, te da nije bilo neblagovremeno zaprimljenih ponuda.

Također, od strane Komisije je konstatovano da je ponuda ponuđača „ABV“ Fojnica prihvatljiva, i da ista ispunjava sve tražene uslove iz tenderske dokumentacije.

S obzirom da je Tenderskom dokumentacijom predviđeno održavanje e-Aukcije, a kako je zaprimljena samo jedna prihvatljiva ponuda, Komisija je u skladu sa odredbom člana 4. stav (2) Pravilnika o uslovima i načinu korištenja e-Aukcije („Službeni glasnik BiH“, broj 80/23) dala preporuku Ugovornom organu da se za postupak javne nabavke „Nabavka usluga čišćenja i održavanja higijene u Terenskom uredu Travnik“, ugovor dodijeli ponuđaču „ABV“ Fojnica, čija cijena ponude iznosi 5.440,00 KM bez PDV-a (5.440,00 KM sa PDV-om).

Na osnovu naprijed navedenog, a u skladu sa članom 69. stav (1) tačka a) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba ugovornom organu, Federalnoj upravi policije, u roku od 5 (pet) dana od dana prijema ove Odluke.

**V.D. DIREKTOR
(Načelnik SKP-a)
GLAVNI INSPEKTOR**

Vahidin Munjić

DOSTAVITI:

- Sektoru za finansije i javne nabavke;
- Ponuđačima;
- a/a.-

